



სსიპ „საქართველოს კომუნიკაციების ეროვნული კომისიის“ სატენდერო კომისიის

სხდომის ოქმი №01

ქ. თბილისი

სატენდერო სხდომის თავმჯდომარე: სატენდერო კომისიის თავმჯდომარე გიორგი ფრუიძე.

სატენდერო სხდომის მდივანი: სატენდერო კომისიის მდივანი არჩილ ცეცხლაძე.

სხდომას ესწრებოდნენ:

სატენდერო კომისიის წევრები

ა) ოლია ვოტ - კომისიის აპარატის ადმინისტრაციის უფროსი;

ბ) ნათია დევდარიანი - კომისიის საფინანსო - საბიუჯეტო სამსახურის უფროსი.

სატენდერო კომისიის აპარატის წევრები:

ა) არჩილ ცეცხლაძე - სატენდერო კომისიის აპარატის წევრი;

ბ) თამარ გოშუა - სატენდერო კომისიის აპარატის წევრი.

სათათბირო ხმის უფლებით მოწვეული პირები

ლევან ლაშქარავა - კომისიის აპარატის რადიოსიხშირული სპექტრის მართვის დეპარტამენტის უფროსი;

ქეთევან რეხვიაშვილი - კომისიის აპარატის ბაზრის ანალიზისა და სტრატეგიული განვითარების დეპარტამენტის უფროსი.

სხდომას არ ესწრებოდა სატენდერო კომისიის წევრი დავით გოგიჩაიშვილი - კომისიის სატელეკომუნიკაციო ბაზრის რეგულირების დეპარტამენტის უფროსი;

(სატენდერო კომისიის სხდომაზე სათათბირო ხმის უფლებით მოწვეული პირი წინამდებარე ოქმზე ხელისმოწერით ადასტურებს, რომ გაეცნო სახელმწიფო შესყიდვების ეთიკის კოდექსს - დაიცავს მის პრინციპებს და მოთხოვნებს).

დღის წესრიგი:

ელექტრონული ტენდერის საშუალებით, საკონსულტაციო მომსახურების შესყიდვა 700/800/1800/1400/2100/2600/3400-3800 MHz-ზე დიაპაზონებში არსებული სიხშირული რესურსის ღირებულების განსაზღვრის მიზნით (მომხს. ქეთევან რეხვიაშვილი).

მოისმინეს:

კომისიის აპარატის ბაზრის ანალიზისა და სტრატეგიული განვითარების დეპარტამენტის უფროსის (ქ.რეხვიაშვილი) ინფორმაცია იმის შესახებ, რომ 5G ტექნოლოგიისა და მომსახურების განვითარების ფარგლებში, რომელზეც მუშაობს კომისია, ერთ-ერთი მნიშვნელოვანი ასპექტია შესაბამისი სიხშირეების საწყისი საფასურის განსაზღვრა, შესაბამისად საჭიროება საკონსულტაციო მომსახურების მიღება საერთაშორისო ელექტრონული ტენდერის გამოცხადებისა და სათანადო კვალიფიკაციის მქონე კომპანიის გამარჯვებულად გამოვლენის გზით. (ქ. რეხვიაშვილის მოხსენებითი ბარათი: 30.07.2019. N 19-10-1442) ქ.რეხვიაშვილმა აღნიშნა, რომ შესყიდვის წინამოსამზადებელ ეტაპზე კომისიის ადმინისტრაციის შესყიდვებისა და ლოჯისტიკის ჯგუფთან ერთად ჩატარდა ბაზრის კვლევა აღნიშნული მომსახურების საბაზრო ღირებულების, პროექტის განხორციელების ვადების, პირობების და დაკავშირებული საკითხების დადგენის მიზნით. ბაზრის კვლევაში მონაწილეობდნენ: PriceWaterHouseCoopers, Analysis Mason, Ernst & Young, KPMG, Grant Thornton. მათ მიერ მოწოდებული ინფორმაციისა და პირობების საფუძველზე შემუშავდა სატენდერო დოკუმენტაცია და ე.წ. RFP, რომელიც განსაზღვრავს საკონსულტაციო მომსახურების პირობებსა და მოთხოვნებს. მომსახურების სავარაუდო ვადად განისაზღვრა: 6-7 კვირა, სავარაუდო საფასური: 80,000 ევრო (დღგ-ს გარეშე).

მომსახურების აღწერის, ტექნიკური დავალების, საკვალიფიკაციო მოთხოვნების მიხედვით შედგა სატენდერო დოკუმენტაციის პროექტი, რომელიც სხდომაზე წარმოდგენილია PDF ფორმატით, შესყიდვების ელექტრონული სისტემიდან ელექტრონულად შევსებული სატენდერო დოკუმენტაციის სახით.

სატენდერო კომისიის მსჯელობა:

სატენდერო კომისიის წევრებმა აღნიშნეს, რომ მხარს უჭერენ ამ ოქმით დასამტკიცებელი სატენდერო პირობების პროექტს და შესაბამისად, ელექტრონული ტენდერის (NAT) გამოცხადებას 5G ტექნოლოგიისა და მომსახურების განვითარების ფარგლებში სიხშირეების საწყისი საფასურის განსაზღვრის მიზნით. სატენდერო კომისია აქვე ხაზს უსვამს იმ გარემოებას, რომ სატენდერო კომისიის სხდომაზე სათანადო ხმის უფლებით მოწვეულნი არიან ის პირები, რომლებმაც მონაწილეობა მიიღეს მომსახურების ტექნიკური დავალების შემუშავებაში. აღნიშნული პირები ასევე მოწვეულ იქნებიან პრეტენდენტთა მიერ წარმოდგენილი სატენდერო შემოთავაზებების შერჩევა /შეფასებაშიც, როგორც სათანადო ხმის უფლებით მოწვეული ექსპერტები და სპეციალისტები. სატენდერო კომისია ასევე აღნიშნავს, რომ ტენდერის საწყის ღირებულებად მიზანშეწონილია განისაზღვროს ბაზრის კვლევის შედეგების გათვალისწინებითა და ეროვნული ბანკის მიერ 9 სექტემბრისთვის დადგენილი კურსის (ევრო/ლართან: 1 € X 3.2738 ₾) მიხედვით 80 000 ევროს (ბაზრის კვლევის შედეგების გათვალისწინებით) ეკვივალენტი ლარში, რაც შეადგენს 261 900 (ორასსამოცდაერთიათას ცხრაასი) ლარს გადასახადების გარეშე.

კომისიის წევრებმა კენჭისყრის შედეგად ერთხმად

გადაწყვეტის:

- ა) წინამდებარე ოქმით დამტკიცდეს შესყიდვის შესახებ შესყიდვების ერთიან ელექტრონულ სისტემაში ელექტრონულად შევსებული სატენდერო პირობების პროექტი, რომელიც თან ერთვის ოქმს;
- ბ) სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების შესაბამისად, დაევალოს სატენდერო კომისიის აპარატს (ა.ცეცხლაძე) ელექტრონული ტენდერის (NAT) გამოცხადება მომსახურების საწყისი ღირებულებით 261 900 (ორასსამოცდაერთიათას ცხრაასი) ლარს გადასახადების გარეშე.
- გ) ტენდერი გამოცხადდეს წინამდებარე ოქმის სათანადოდ ხელმოწერიდან მომდევნო 3 (სამი) სამუშაო დღის ვადაში;
- დ) დაევალოს სატენდერო კომისიის აპარატს უზრუნველყოს ტენდერის გამოცხადების შესახებ ინფორმაციის გაგზავნა ბაზრის კვლევაში მონაწილე კომპანიებთან;

არჩილ ცეცხლაძე



სპეციალისტი
შესყიდვების და ლოჯისტიკის ჯგუფი

გიორგი ფრუიძე



კომისიის წევრი
კომისიის აპარატი

ოლია ვოტ



უფროსი
ადმინისტრაცია

ქეთევან რეხვიაშვილი



დეპარტამენტის უფროსი
ბაზრის ანალიზისა და სტრატეგიული განვითარების დეპარტამენტი

ლევანი ლაშქარავა



დეპარტამენტის უფროსი
რადიოსიხშირული სპექტრის მართვის დეპარტამენტი

ნათია დევდარიანი



სამსახურის უფროსი
საფინანსო-საბიუჯეტო სამსახური

თამარ გოშუა



წამყვანი სპეციალისტი
სამართლებრივი დეპარტამენტი